

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JUN 26 1940

2

T3155/1113.83

三水縣志卷三

知縣葛德新王修

陽湖孫星衍撰

城署關橋坊古陞六

明邠州志三水縣城圍五里三分成化十四年知縣楊豫成化二十一年知縣馬宗仁正德七年知縣趙璽嘉靖二十六年知縣蔣廷佩俱增修闊一丈三尺高三丈五尺池闊二丈五尺深一丈

縣舊志城周五里五分有奇西北枕山谷東南臨溪河門四知縣秦渠名其東曰賓陽南曰凝薰西曰志岐北曰拱辰歲久崩湮庚戌知縣林重葺城樓曰舟翠樓

明李錦創修城池記三水古幽谷也山環水繞地形完美周人基此以開王業秦漢隋唐皆為近畿大邑此蓋圖志之可



考者也有元至正十有八年移置淳化縣始廢明因之成化
丁酉居民思復故邑上陳制下仍立三水爲縣從民便也壇
社廟學官署廡舍悉如城邑惟城池門堞則歷有十餘祀經
兩君而未及建焉越丁未新樂馬侯奉命來知縣事將期月
紀綱粗布重念城池爲保民之具王政之所不廢且知民可
使而力可爲也乃謀及有衆相土度工經畫財用從事土木
壯者借其力富者勸其財工惟其巧農適其閒程以日計者
若干以工計者若干泉以緡計者又若干城之制周圍五里
五分有奇豎高三丈闊減丈之尺上樹以堞城之下濬而爲
壕深丈有五尺東西溪水復依壕而注之四面咸闢以門門
之制以土爲胎則甃以石以木爲骨則護以鐵圖永固也門
之上各建一樓表瞻望也功始於成化丁未十月迄於宏治
戊申三月落成之日官民胥慶巍然爲一邑之保障真可以
捍敵而禦侮矣然是役也地勢崇卑率因舊址戒事成功悉
倣周制就利避害咨謀僉同及慰勞督勸則盡公之力而人
不與焉嗟功成而民不勞費裕而民不怨侯之賢勞其至矣
今季春候以築城之役雖涉分內而邑之新當亦托之金石
以昭示後人也迺走書倣廬勾文以記之余惟昔孔子之作
春秋也一城垣之築必書于策雖以勞民爲重而下陽虎宰
亦明其有不可不築者蓋古者聖人之垂訓必兼盛衰而立
法世不大同官天下者旣不可得家天下者亦必以城郭溝
池爲固故世之欲禦患保民者亦不可不以設險守國爲重
務也我國家以文運綏太平百有餘年申飭儆守而於城池
之備蓋惓惓焉其亦古人保民致治之至圖也今馬侯筮仕

之初獨能以此爲務亦可謂深知爲政之體矣不亦可嘉乎
侯名宗仁字本元世爲新樂望族祖諱謹正統間由監察御
史累遷都憲出撫河南風裁著於天下至今人慕之然則侯
之爲政其亦有所自耶或曰馬侯之爲縣也未三載引西溪
之水通流縣城人獲灌溉之利完逋負之稅致其復業戶有
增羨之美扶善刈強興廢起墮善政纍纍下安而上獲已稱
旌勞之榮是皆可紀者也豈獨城池爲然哉余曰墮淚之碑
循良之傳事固各有專主也余非隱人之善者特不敢諛且
濫焉或曰唯遂書此爲創修城池記

右城

林逢泰舟翠樓紀咏序余少誦詩至幽風竊嘆周家八百之
盛始基之矣吳季子論樂云美哉蕩蕩乎樂而不淫洵非誣
也迨承乏茲邑身履其地跡其山川原隰與篤公劉章合攷
邑志又所稱膏雨之郇伯者恒在于斯而流風遺俗猶有存
焉第兵燹以後瘡痍未起城郭榛蕪滿目蕭然且瘠土之民
稼穡外無他謀如七月所載蠶績諸事邈焉難追僅陶穴風
景不殊耳余竊以爲憂謬欲舉百廢而興之媿弗逮也迺捐
貲鳩工先葺出政之堂額曰思輯志復古也嗣自城垣戍樓
爰及泮宮武亭漸次茨塹一時煥然耳目蓋勉循職業固守
封疆非徒以肅觀瞻已也若夫舟翠一樓面山帶河懸崖幽
广之中廓然大觀雖鷓鴣一枝而氣象萬千固已具豐鎬之
槩矣於是邑之人士偕來遊者咸顧而樂之登眺歌咏各盡
其興致所至或云猶幽人之頌余則何敢然余喜夫彈丸僻
壤風雅弗墮則雖公劉郇伯之業不可復覩而撫今追昔其

亦有樂而不淫之遺意歟寧直屏山汎水增一佳話也耶
林逢泰暮春舟翠樓讌集詩序予重修邑城建南樓題曰舟
翠蓋取公劉舟王之義而翠屏山卽所謂迺陟南岡是也抑
先聖有言君猶舟民猶水得夫舟之義夫亦愈思水矣辛亥
暮春告成集諸紳士落之文俶明先生賦詩志歎適同人過
此登覽和咏併錄以志風雅詩云恰攜春酒上層樓汎瀾屏
峰積翠收百室桑麻慙政拙數聲蛙鼓對琴謀鶯花繚繞雲
侵袖雉堞飛翔水起洲滿座薰風憑剪拂何須姑射羨城頭
林國珩和韻詩云孤城猶喜有南樓眺覽煙光几席收不盡
風雲生筆興好將詩酒與山謀遠沙鷗白依寒渚隔岸峰青
遠翠洲遙憶故園丹荔熟輕薰移向洞軒頭

楊紹武丁巳春日登舟翠樓感懷用林彙菴明府樓字韻詩
云偶來縱目一登樓萬古風光次第收接檻羣峰皆北向環
城誠派轉西流原田未改先農舊陶穴依然太古儔最是比
隣多負險連年鼓角動邊秋

右舟翠樓

明邠州志三水縣縣治在布政分司之左大門一坐上有鼓樓
五間二門牧愛堂東連庫房西連幕亭儀仗所承發司吏戶禮
兵刑工房各六間堂後有延賓堂退思堂宅舍俱知縣楊豫建
涼亭劉儀建省耕樓錢若愚建西有典史宅馬房一所土地司
囚監俱在儀門外

縣舊志縣治右當元廢縣時爲巡檢司至明成化年知縣楊豫
築垣以二里三分高以二丈五尺內建正堂五間簷棚五楹後
知縣秦渠又建退堂三間因年久傾圮己酉林知縣又修大堂

日思軒後堂曰鑑水官衙在鑑水堂後正廳三間扁曰麝香東
西廂各三間鸞駕庫幕廳俱在正堂之東邑庫之前東列架閣
房吏戶禮房一十二間西列承發兵刑工房一十二間戒石亭
在儀門內甬道中堂儀門三間角門二座迎賓館三間在儀門
外土地祠三間在賓館右俱明嘉靖年建林逢泰重修省耕樓
在縣衙之東同亭在縣衙之左林知縣新建譙樓五間甃石作
臺下爲大門知縣劉澇移鐘於士林逢泰重建旌善亭在譙樓
南申明亭在旌善亭次

林逢泰同亭觀射詩序余公餘之暇閒步署旁周視有射亭
舊址在瓦礫中爰闢其地命胥役壯丁習射以修武詩云二
之日其同蓋幽人遺風也亭之左右環植樹木尋得一井甃
之以資灌溉令民間有願農圃者聽耕種其中斯亦與民同
之之意也仍舊址築一亭爲觀射之所歲甲寅重陽工成名
之曰同亭偶集文倣明司理王福宇守戎張克其孝廉第五
文昭文起二太學觀射倣明賦詩因并紀之詩云築場爲圃
與民同追步邠邠拜下風懸榻花前隨玉麈焚香夜半和九
熊雲閒鷗落鏃如樹塞上騎輕雪滿弓極目郊原空抵掌且
將萸菊莫論功

右縣署

縣舊志典史衙在幕廳西前廳三間正屋三間東西厦六間縣
獄在捕衙之前建欽恤廳三間畫一祠一間

右典史署

明邠州志儒學在縣東成化十四年知縣楊豫建署縣事邠州
吏目喬茂亭重建教諭署一所訓導署一所學倉二間射圃在

文廟左今廢

縣舊志儒學明倫堂五間教諭宅在明倫堂後正廳三間廂房三間訓導宅在教諭宅右正廳三間西廂房三間博文約禮齋冬三間號房東西各七間久廢二門一座角門二座東曰起鳳門西曰騰蛟門桂林坊南街久廢

右教諭訓導署

明邠州志陰陽學在縣南西向知縣馬宗仁建醫學與陰陽學并社學與醫學并僧會司在縣東北大像寺內道會司在縣東北三里水泉觀內養濟院在縣北官預二倉在縣西楊豫建有收糧亭劉儀建後倉侯臣建旌善亭在城舖右申明亭在城舖左

右陰陽學等

明邠州志布政分司在縣治西按察分司在縣治東府署在縣治南石門巡檢司在石門山下今廢縣舊志察院一座在縣治左廨宇久圯林知縣重修即舊分司也

右行署廢署

縣舊志石門關在縣東南兩壁如門甃石為城舊設巡檢司又于嶺上築岸門今巡檢司廢

右關

明邠州志三水縣西溪橋在迎恩門外杜家橋在西溪橋西二里赤道橋在杜家橋西五里暗橋在縣北支唐川岸兩傍縣崖中間道路嘉靖二十七年分巡道副使周洪範建鐵門一重覆屋三間

縣舊志聚珍橋在縣西志岐門外知縣秦渠建今橋圯址存便橋連西城通雙槐堡明末高知縣建年久水衝崩康熙乙卯林知縣重修名曰縣橋甃石架木上設堞牆以防不虞汎水橋在縣南門外夏秋泛漲冬月架木爲梁民不病涉土橋在鎮城東西門外東天橋久圯工大難成土人夾溪築小橋行旅便之其西橋數十武今亦崩壞林知縣捐貲募修以通往來細腰橋在縣西四十里接邠州界長六十餘弓平接兩岸細如蜂腰故名明張拱極聚珍橋記周禮合方氏掌達天下之道路津橋相轉不得陷絕故天根見而成梁慮民病涉也三水城西數武許溪水自北界來帶縣而南其東西岸距城郭閒甚當衝也歲久滋深溪流滂沛行步齟齬足脛瘡痍而攸往罔利矣對峯馬君常遊於此愀然嘆息謂鄉耆杜氏綏曰川澤之阻則橋梁之便民事也此司牧者之責耳廢弛玩愒漫不葺理非予之任而誰耶蓋避嫌者牽顧慮之私而因循者憚經畫之勞卽廟廡學宮敗垣殘宇草礫相依犬豕交跡莫之問也而况於此橋乎延捐金暨米穀若干責邑民之能幹者數輩若許世經李乾李艾等委以經度物優其價工優其貨甃石爲骨畚土爲基歷數月而橋成焉君遣幣索詞於予曰鄭子產以乘輿濟人於溱洧孟軻氏尚譏不知爲政單襄公知陳之必亡亦以川無梁也橋之係豈淺鮮哉君以明農之身毅然當之乃爲司牧者所未爲則其德惠之及民豈徒見於尹鄉寧時已因是悉君之存心矣是役也經始於萬歷八年二月二十五日落成於九年三月十五日其衆輸若干所費若干不具述惟述豎橋之意利民用用著君之績君名秉直字

養浩為子姻親築宰鄉寧政聲藉甚其先君雙椿翁暨若兄南峯以高致慕義無窮凡邑內廟觀多所創修故君之率作厥有所自云

明文毓鳳高邑侯創建通堡石橋記維我邑時凶極之幽實
惣三陲之吭八水之門庭也茲者流寇依為出沒窟每嘆防
守之難爰有縣之右翼曰西堡與城犄角立迺古李思齊屯
兵舊處離城僅一水隔誠唇齒之要壘也我高侯暨闔邑紳
衿僉議墉壑增修深溝高壘更建一石漆通有吏則聯堡以
衛民無事則丸泥以自固甚盛舉也於是準地程天鳩財窺
日版變鑿興抃喚趨勸侯猷捐俸金近百兩給工學逸士庶
家咸輸乃貲齊乃力器變厥舉焉凡一載餘而功竣報當此
三空回盡萬難措手之候未嘗并日課功刻吞責辦而壕塹
猝爾立津梁猝爾起匪侯愛民之苦心形之董率民諒侯之
至計竭之興作烏能觀成若此哉自是或有侵或而城藉堡
堅堡藉城固則民弗苦寇螫或有遣調而丁或禦城婦女詣
堡則民弗苦兵難或有惶霖而緩急可由城之堡亦可由堡
之城則民又弗苦水怒一舉而三善倭焉余於斯橋亦云謹
志之一片石崇禎壬午仲夏朔旦

按文毓鳳好用古字此記
漆即梁字吏即事字猷即
獨字正即工字學逸即嗣後字繼
倭即共襄字否即期字或
即戎字或即勇字性即狂字倭
即備字文誠可為好古者然
識字人見之無奇使世俗
者茫然莫辨亦可以已矣

縣冊土橋在鎮城東門外崩壞已久商旅病涉乾隆四十七年
署知縣齊球捐俸重修以利攸徃立有碑記

縣冊野茅溝在土橋鎮東南十里舊本無橋因雨衝崩險側難
行乾隆四十二年創修土橋一座以通往來

右橋

明邠州志登瀛坊爲馬良佐建鄉貢進士坊爲文朝宗建桂林坊在儒學大門外毓秀坊在儒學二門外

右坊

縣冊看花宮去城三十里舊名花谷俗謠爲宮世傳唐尉遲敬德植牡丹于此今有址存

右古址

三水縣志卷二終

三水縣志卷四

知縣葛德新主修

陽湖孫星衍撰

壇廟寺觀墓七

明邠州志風雲雷雨壇在縣西門外北向楊豫建社稷壇在縣東門外劉儀建邑厲壇在縣東門外南向劉儀建

縣舊志風雲雷雨山川壇在東澗河西岸邑厲壇舊在東郊壬子林知縣捐俸改置西門外

右壇

明邠州志三水縣先師廟兩廡戟門楊豫建櫺星門泮池劉儀建啟聖祠在明倫堂後知縣張珩建敬一亭在明倫堂後劉儀建名宦祠在梓潼宮之後享祀三位魏恒州守韓褒宋三水縣尹李沐明知縣楊豫鄉賢祠與名宦祠并享祀五位漢第五倫

唐同平章事第五琦宋丞相第五均度支員外轉運副使范祥
資文閣太常少卿范青祭器嘉靖十九年知縣李時春置白鐵
祭器二百件磁器一千件黃帳五付書籍四書大全一部二十
本易經大全一部十一本書經大全一部十一本詩經大全一
部十一本春秋大全一部十八本禮記大全一部十八本性理
大全一部三十本孝順事實一本五倫書六十二本為善陰騭
一本醫方選要十二本漢唐通鑑品藻六本朝服祭圖一本博
文通會四本聖駕重章大學錄一本忠靜冠服圖一本聖製燕
弁冠服圖說一本聖諭一本御製正孔子祀典申記一本御製
大符龍飛錄二本

縣舊志先師廟在明倫堂前枕廣原而環汎水自萬歷癸未改
建歲久傾圮辛亥林知縣錫俸重修命諸生張僕等鳩工濬泮
池甲寅陽至落成先師大成殿七間東西廡各七間戟門三間
櫺星門三座泮池一區太和門一座啟聖祠在先師殿左有敬
一亭祭庫名宦祠鄉賢祠重修文廟碑在正殿之前學宮告成
題咏碑在戟門左續修泮池碑在戟門右

文倬天重修文廟碑禹貢原隰之野是稱幽九原九隰而錯
以成文則一經九緯之幽不以上接虛良蒼華之敦乎其地
絡本於子午嶺自北以南者首乎乾以大成而峯峙連山之
艮水通歸藏之坤為聖文之總萃其天文則應帝魁之一星
而戴匡文昌六宮昏建華山以西為攝提之所貞茲其發天
地之房自夾皇遡過宜廣開文運以綿聖功歟故公劉陟岡
而為廬舟玉以臨邱巘依京而定制酌匏以立君宗俾踏濟
者造曹而式化其都紛輪困之氣允後世觀文作人之藪也

於是幽學之講堂當之柰歲遠宮圯鞠爲茂草而望素王之
容者無起色我侯至自閩三異之政首重象璜諏吉而鳩工
凡攻木飭材必于橐先倡之僉謀厥衆自庠師臬紳士量力
以捐有差等辛亥之秋經始大成殿子來罔恃乎馨鼓及冬
而載度其楹載華其桷冠雲榮縹不翅鳥革翬飛之翼翼也
嗣壬子新兩廡而丹雘之矢棘正啟聖之祀殖噲肅敬一之
亭有伉者置戟其闈門翼兩祠以宦以賢其中阿將將表以
櫺星者應門也斲之礪之加密石焉而鳳之軒翔蛟之連卷
以雙標於左右輪奐之美廓蒙而昭發之甲寅又相中唐堦
爽濬池以甃半天子之讎而泮之清流環璧采芹賡思樂之
風公宮就陽樹槐開論義之市前五雉而坊經涂之軌者顏
以太稊元氣其大道大德之表以歸靈光適風水之渙享以
立廟之遺義乎我侯定中揆日而告成以三年都人士思饒
功於不朽請倬天爲文國言曰雍州原隰底績卽公劉所度
之者其原可以行徹田之法其隰可以收流泉之利原陽而
隰陰陰陽各九交錯爲文應天地自然之易隆結於子午艮
山而坤水四時之所交風雨之所會幽實據隩區矣先王建
國制學叶三靈而敦五土惟制作定世符之時聖依之聖者
人祖倫之祖父葉萬所造命以玉燭成歲功聖其總一歲之
時也其四配可分當一時故復爲青陽宗爲朱明述爲白藏
亞爲元冥又閔以廉解冉以泉動至子石之可年者當斗一
南六陽之侯駟赤輩之不可年者當日一南六陰之侯三千
其門庭而升堂通六藝者特七十二以當七十二侯乎揭聖
宗而翼天統以齊七政之玉衡不尚望崇儒論道我侯哉侯

曰漢太常之議謂三代崇化以風四方莫先於學春秋羽
夏絃冬誦太平之原也及唐咸亨五月造學以敬儒宋湖州
千人立教於安定或起璜宮或聚五徒采交州之磬繪城南
之圖國淳俗樸鏘鏘被於道而六路咸秩遐哉其可風矣約
之極之其有事於幽璜拓茅築垣始於困敦成於攝提有恤
之宮曼碩以若萬民誼所作者則林侯諱逢泰閩之晉江人
庠師王諱採陝之延川人泉幽之子矜王名相之王名光烈
許名桂張名僕也爰穹伐以鏡而銘之曰九原九隰合乎易
連山爲峯歸藏爲液子午之龍結磯脊陰陽錯文應采芹以
半璧誰作璜宮孔曼以碩我侯成功在攝格

明文在茲創修牲所泮池記蓋聞爲政有建置詎飾觀省哉
乃牲所泮池將明禋而廣所息咸藉乎此則尤與之不可缺
者故詩咏思樂書紀惟馨厥有旨也三水肇自成宏勛建事
備嗣是歲久頽壞人思鼎新逞令崇任堪輿家言遂移廟於
於縣治之東南隅爰更行臺而爲之顧地僻狹隘漸就卑濕
樛屋門外鑿池其南引流灌溉以瀦泮水已而萑葦叢生蒙
士時取汲其下春秋享祀結棚於前以省宰牲牢哀鳴踴躍
殊非祇薦之地矣邑侯周清翁自蒞位以來迺慨然曰夫令
者士之表而神之依也顧缺廢如斯奚以歆神而作士捐俸
就工甃以磚石中通以橋甫踰月而竣事復規度于泮池之
西構地一區廣袤胥數十武繚以垣墉宰牲於內庶穀餼可
遠而昭薦致潔也神同祠而士咸悅其在斯與然公之創置
不寧惟是移費門以飾輪奐新三汲以固局鑰整無思以便
裁決更迎賓以廣延訪豈明樓以達聲教至於公署吏廡罔

不煥然諸凡營繕殫心力而民不知擾茲皆昭揭衆目而
績莫揜者若夫綜理周密政教聿新自有口碑載道固無俟
余之喋喋也公名克字仲美清泉其別號世爲古宋柘城人
萬歷庚子孟冬之吉

縣人張僕續修泮池記三水之學宮自有明成化十六年重
建邑始而泮池之遺址僅存巔末無徵世代更移鞠爲茂草
焉幸我邑侯林父師以八閩雄才家學淵源承筭堤夫子之
志於辛亥中秋慨議葺修凡尺木片石悉先請出諸清俸而
紳士之捐各有等經營三載費約數百金不取民一粒而輸
負更新焉獨泮池未濬采藻無聞不幾九仞之簣與僕忝居
門牆思續其事而始終之謀及同社咸欲助力實夏諷吉濬
厥舊址甫及泉而石碣出焉乃前庚子詞林文先生太青文
夫子創修泮壁之始末也越七十五年而又一新礎石爲底
甃砌以磚中通以橋庶乎思樂可咏而青珮得以觀光功竣
之餘議樹一坊而慮苦不貲侯引爲已任仍捐十餘金棟宇
榱桷各如其合式于今城闕不刺而翠屏對峙爲文教地伊
誰之功嗚呼我侯崇聖尊賢之意固後先濟美矣而吾邑人
文之肇興其在斯乎僕末學小子監役三載幸無隕於厥命
而前輩之志亦賴以彰也因勒諸石以誌弗忘云康熙乙卯
夏五之吉

林逢泰長至日泮宮告成集諸生瞻拜詩并序余承乏幽土
見學宮傾圮愀然久之竊嘆世之事佛者招提蘭若不惜金
錢奔走如鶩至學宮榛蕪漠然置之殊不可解或云佞佛冀
其獲福多靈應也余笑荅以聖人道大固不待論卽如人讀

其書便能識字知義理不讀其書便不識字不知義理此豈
非至靈應者乎適王司訓至因令董其事與諸生謀共修葺
先捐微貲爲之倡一瓦一木不以累及民也幽士瘠苦寒或
屈於力或阻於時是以遲之三年迺竣厥功然此心歷三年
如一日其始末載在文俶明先生記中告成之日值南至集
諸生瞻拜禮成而紀以詩伏念先君子倡道筍堤特祀學宮
雖關閩異地而淵源相接故末語偶及之承諸紳士賡和酬
韻若有會於旦氣之旨益以見道南一脉嚶鳴不孤云詩云
人文千載蔚輪奐一朝新闢沼蒙泉動占星井埜陳飛葭融
九谷立雪重吾閩南望筍堤石遙含泮藻春

右先師廟

明邠州志城隍廟在縣治東楊豫建嘉靖中張珩增修

縣舊志城隍廟在東門內正殿五間饗殿五間川堂三間寢殿
三間鐘鼓樓二座迎禧樓五間東西分司各七間萬神堂在左
寧一宮在右角門二間大門三間明宏治邑尹馬宗仁張珩同
縣人馬致遠相繼修建神像乙卯林知縣重塑其像乃明宣德
三年造

明呂頤顯祐伯城隍廟記夫祀爲國事之大者若城隍廟祀
護祐一方保障四境義兼神祇又祀事之大者也太祖高皇
帝洪武三年正月詔定天下城隍府州縣有公侯伯之異稱
而俱爲顯祐伯者蓋以鑒察斯民靈祇斯土也顯則威靈不
著祐則福澤普施三水縣五代時或屬隴或屬耀元至正七
年省入淳化縣屬鳳翔邠州明因之成化丁酉都御史余子
俊馬文升奏復三水縣隸西安邠州宏治三年知縣馬宗仁

始創斯廟爰修祀典殿宇門垣遵詔旨以重民事者也宜曰
三水縣顯祐伯城隍廟以都祀事也夫祀以備物齊禮爲豐
禧也邑之鉅姓恩榮官馬致遠及子生員秉正知縣秉直自
備銀粟鳩衆紀善喬濟民生員趙元卿等建立獻殿五楹以
稱報賽之陳奠也時嘉靖十三年五月知縣廣漢張珩樂觀
其成而獎勸焉馬致遠嘗邁疾夢城隍覺而愈欲崇神貺於
無已也於三十六年遣二子詣羅中丞廷繡書城隍大扁飾
以金碧供上之以彰神明之真境也知縣吳之翰嘉賞之於
四十四年令道士化鐵鑄烟樓一座以爲香火之需大磬二
口以爲啟叩之助儒學訓導郭聘有記以載其盛於隆慶二
年見廟門直衝往來昌褻輸銀物共二十餘兩同馬化龍出
銀十兩建磚樹塞一座以顯靈崇望殊爲壯觀也於五年見
司屬未備又同邑衆各輸銀木建東西司房一十四間具神
職也於六年三月見各司神前香火離陸又置石鼎一十四
供朝夕祀享也夫治神宇以完美延時歲而弗替前後樂輸
約十百計使廟貌嚴肅卒克祠祀嘉祺之美顧不善耶若恩
榮官輩可謂至誠感神精誠不二者矣宜其享純嘏而綏神
祉云隆慶壬申春二月予將入汴過其邑親覩其迹因述之
而爲是記

右城隍廟

縣舊志關帝廟在城隍右

右關帝廟

明邠州志丞相祠在縣西十五里魏落邨祀漢唐宋第五倫三
丞相小像存焉洪武十八年建

右丞相祠

明邠州志學士祠在縣西三十里大慈邨祀宋學士范祥父子
右學士祠

縣舊志扶蘇廟在石門山中世傳秦太子扶蘇授國典三物處
死後成神人爲立廟廟下有湫禱雨立應

右扶蘇廟

縣舊志洪仁寺在青冑原唐時勅建

右唐洪仁寺

明邠州志淨土天王寺在縣南三十里宋建

縣舊志淨土天王寺宋淳化三年勅建有御製碣記

右宋淨土天王寺

明邠州志大像寺在縣東北一里

縣舊志大像寺金大定

右金大像寺

明邠州志福延寺在縣東北五十里大定三年建

縣舊志福延寺陞周二十畝大定勅差侍郎阿典建內有古松

右金福延寺

明邠州志龍巖寺在縣東南四十里大定五年建

縣舊志龍巖寺金大定五年耶律監造遺陞宏敞

右金龍巖寺

明邠州志莊嚴寺在縣東五十里元建

縣舊志莊嚴寺在前泥陽邨大元七年勅差中書省右丞周德
建

右元福延寺

明邠州志堡嶺寺在縣東三十里堡嶺山頂流人多避兵于此
縣舊志堡嶺寺元人勅建有高僧超公延安人卓錫於茲寺閉
關焚修八十年所一日沐浴合掌書偈貽弟曰八十年來如製
電臨行與汝通一綫形骸脫落如金蟬一性圓明空裏見四海
無居似片雲十方世界遊履轉遊履轉見不見倒騎泥牛入祖
殿書畢涅槃今遺龕存焉

右元堡嶺寺

邠州志無功寺在縣東七十里鑿石爲邨長五丈闊三丈有石
室

縣舊志悟空寺俗謔爲無功寺可以避兵

明文毓鳳再經悟空寺詩云當年三笑處此日又重登碑落
蟲爲字堂虛鶴是僧有泉堪振錫無偈問傳燈煜煜青蓮色
支公見未曾

右悟空寺

縣舊志寶塔寺在秦塔之陰時有高僧托足舊址頗廣相傳爲
唐時大刹經火無存天啟六年縣人文疏鳳同諸生王遂昌張
心昌等相地鳩工建殿五楹莊嚴佛像康熙丁未邑衆又建大
悲佛母堂三開地藏殿一座

右寶塔寺

明邠州志大塔在縣前七汲浮圖一邑勝觀

縣舊志秦塔在城東北隅高十五丈其陰建寶塔寺舊志載唐
吐蕃入寇塔經火焚積久損傷塔遂東斜萬歷開縣人文運開
葺之順治甲午六月十日地震仍端正如初辛亥舊屯廳沈光
禧聞其勝槩捐資築垣邑人庶因重修焉

右大塔

明邠州志小塔在寶峯寺前

右小塔

縣舊志金泉寺在半川府東以金沙獲名中有古松

右金泉寺

明邠州志寶峯院在縣西溫涼河上唐建

縣舊志寶峯院唐太和三年建

右唐寶峯院

明邠州志棲雲觀在縣東北職田鎮宋建

右宋棲雲觀

明邠州志三清觀在縣西三十里郭邨宋建外有常信地百畝

右宋三清觀

縣舊志惠濟院在兩平邨金大定三年勅建

右金惠濟院

明邠州志玉泉觀在縣東

縣舊志玉泉觀在玉泉右故名內有古柏

明劉翀遊玉泉觀詩云玉泉觀裏柏森森培養靈根異鄧林

甘露點珠多麗澤暖風吹雨挹晴陰霜枝峻絕朝華老勁節

孤高晚翠深日見棟梁成大用掄材端擬重南金

右玉泉觀

縣舊志洪福院在縣南十五里

右洪福院

賈志秦扶蘇二女墓在縣東北六十里

縣舊志兩女砦去縣七十里麓有兩冢存焉舊傳秦扶蘇二女

葬于此

右秦扶蘇二女墓

明邠州志侯君集墓在縣東北雞阜山巔

右唐侯君集墓

縣舊志馬沼墓在縣東北十里其堡頭誌石因崩而出居人毀之

右馬沼墓

縣舊志宋范祥范育墓俱在縣南原太慈邨二冢相望舊碑巋然

右宋范祥及子育墓

明邠州志第五倫墓在縣西南三十里蒲東舍碑存文落

縣舊志第五均墓在縣西三十里蒲東舍之間按第五氏墓表

云先世出齊田橫之後田徙園陵者多故以次第爲氏舊雲陽靖川人後徙三水子孫因以爲家焉

通志按邠州志云第五倫墓非也倫墓在涇陽

右宋第五均墓

縣舊志五女冢與第五氏墓相比元祐閒碑文在其冢內

右五女冢

賈志文御史振賈在縣北半川

縣舊志在半川之東南二里左側有孝子少蒼廬墓遺跡存焉

右明文振墓

賈志文在中墓在半川文林

縣舊志文少白墳在縣北南宮之文林左環白石嶺右羅東澗

河

右明文在中墓

賈志文運熙墓在南宮

縣志在半川之東南二里

右明文運熙墓

賈志文在茲墓在縣北雞紅嶺下附父運開側

右明文在茲墓

賈志文毓鳳墓在縣西二里

右明文毓鳳墓

縣志劉偁墓在縣西蒲泉舍康熙十年奉

勅諭祭葬建塋立碑以旌忠節

右劉偁墓

三水縣志卷四終

三水縣志卷五

知縣葛德新主修

陽湖孫星衍撰

官屬第八

三水縣僻無故實及古碑故自漢以來縣令丞無可考見唐始有令丞主簿名見宰相世系表亦無事迹舊志不載乃反載公劉鄩等為名宦非體也皆別見縣令制歷代無異惟教諭以康熙二年裁缺後復設也

漢梅邑官銘

王命尸臣官此梅邑賜爾旂鸞黼黻珣戈尸臣拜手稽首曰敢對揚天子丕顯休命

右美陽鼎中刻書見漢郊祀志

唐令丞主簿

郭在巖三水令

韓纁三水令

右令見宰相世系表

楊藏器三水丞

右丞見宰相世系表

韋異三水主簿

右主簿見宰相世系表

宋尹尉

李沐字公澤三水尹

宋無名氏李邑宰沐德政碑蓋圖縲綽以繫獄峻鞭朴以繩民法尚嚴明政必慘刻民未得而治也惟以德爲政黎元向化敬之如神明愛之若父母矣三水巨邑戶口繁息訟獄

獲能若不以德則越訴於郡牧監司不可勝數李公騎尉以德望素著來尹於茲興滯補敝衆務脩舉畫無橫民夜無犬吠百里鎮靜號爲大治邑民相與繪公像於圓寂院榜其堂曰愛慕求僕爲記固知其名難稽昭出自民口不欲更去一日縣尉田臯謂僕曰公之爲政以德懷民豈止一端而且愛慕之稱非特不可名亦未盡公之事也盍更改其堂曰德政子復爲我詳言之欲形於琬琰以垂不朽之傳僕素不能文何足以興於民乎公之德皆耳濡目擊姑撫其實以論之將備作者採補焉自公下車移城門以便出入則氣象壯觀不患跋涉建營舍以備守禦則外攻不入暴賊遠遁城隍祠宇旣敝而再新橋梁市衢已壞而復葺建行祠脩官舍興作鼎造不爲私計規畫之初立不使計日以告畢是有德者之所

能爲此也奸蠹一投於前灼見情僞此公之明德也哀矜死
囚掩葬遺骨惟刑之恤獄無淹滯此公之仁德也激貪勵俗
稱爲清白其廉德如此簿書山積必躬閱校其勤德如此夫
德得於己爲德施於人爲政公之政事無非一德今以德名
不亦宜乎是爲記

右宋尹

田臬

右宋尉

金知縣

宋九嘉字飛卿夏津人至寧元年進士第歷藍田高陵扶風三
水四縣令咸以能稱

右金縣令見金史本傳

明知縣典史教諭訓導

楊豫字李定清死人舉人值縣治新設苑歲兇荒賑濟有法仁
厚化民風俗丕變祀名宦

馬宗仁字本元直隸新樂人恩貢生

明李錦馬邑宰宗仁德政碑宏治辛亥四月廿有一日三水
縣儒學司訓朱璣命生員白瓚謁予雲山小居賓主禮成揖
而言曰成化戊戌制析淳化之半置三水縣將一稔新樂馬
公來知縣事前之爲縣者率以邑新設又皆不久於任因循
苟簡自城池及百事悉草創公既至勇於有爲卽括賦役詢
風俗察淑慝審利病循阡陌議興作凡事于已任者爲之若
饑渴一以愛人爲主更以學校治化所闕規畫經紀繕新廟
廡構建齋堂俾展祀式虔肄習有所以田桑衣食所出巡諭

督責開荒除蕪時耕時穫使上足公賦下贍私口謂保障必
恃乎城隍不及期而城隍告完謂賑饑莫先乎儲積不歛民
而儲積已富申飭鄉校留心於禮教舉功壇壇致謹於神祇
鑿渠堰水人蒙灌溉之利設警弭盜境無剽掠之虞藩臬行
司縣治靡宇莫不稽於成憲既完且美芟刈強梁撫字良善
招徠流亡柔懷無告催科不擾刑罰適中凡是皆公鑿鑿見
諸行事者其他良法美意不可殫述至如廉勤精敏又公天
分之自然也既而又曰公名宗仁字本元世爲新樂仕族應
諱謹天順間爲監察御史歷陞都察院左副都御史公自幼
秀爽不凡都憲公獨鍾愛之遣克邑庠弟子員以學行大稱
遂襲都憲公廕卒業成均拜今官惟瑣師坐泰在下風薰灼
德化且親邑之事出草創者今皆規模完整條理畢具三年
之間政績之舉如此將來之善庸有旣乎敢乞懿文記諸貞
珉用托不朽用激將來實亦邑人之志也瓚等特率先焉迺
再拜予起而應曰古之治人者必先明乎明德故有虞之世
其用人也必三德而爲大夫六德而爲諸侯蓋以官之崇卑
視德之大小也洪惟我明建官惟賢必德克於已始授以官
冀惟其得於已者以施於人也士或有德不足而幸得祿秩
亦不旋踵而取敗若馬公可謂以德受官者歟夫官之切於
民者莫令若也上以一邑之民付之令好惡休戚固將目擊
而身體之使遂其願而不加之以所不願以仁之也仁之術
其施有緩急焉使馬公之爲或施於已成之邑故習之民雖
皆以德行乎其間其急且繁亦未必息人之議也然而施於
新析之邑新理之民乃政之當急爾不可緩當張而不可弛

斷斷然有不容自己焉其於爲政之次第固義之所在也義且仁非德之所在乎惟是德而達之於政若火之始然日熾月盛方殷而未艾也然則馬公其賢矣哉宜爲士民之所表著也以繼自今四方之士及將來蒞政於茲者或有感發而興焉將必宣上德立爲善政俾人人蒙至治之澤享雍熙之化矣仁覆天下有不在於今日乎唐虞之治又何不可企而及哉瓚曰然遂記其說使歸而刻之於石

喬聰山西鄉寧人監生

劉淵四川閬中人監生

劉璿直隸人監生

田賦山西人監生

趙璽山西沁水人監生正德七年任增脩城垣創建南門邑民稱治

成宗山西臨汾人監生正德十五年任

趙應奎直隸衡水人監生

劉儀字來鳳湖廣安陸人舉人嘉靖十年以新都教諭陞任處官清約威伏豪強岸署多所脩建

張珩四川漢州人舉人政治寬和建啟聖祠

李璞直隸饒陽人監生卒官

侯臣字世勳山西解州人治尙嚴明綽有氣節創脩石門巡檢司署並預備倉廩二所

李時春遼東鐵嶺衛人監生嘉靖十九年任公平剛果置文廟錫祭器二百件

錢若愚雲南宜良人舉人嘉靖二十二年以簡州學政陞任有

才幹作興士類劓省耕樓並府署西關門堞三所後取京別
用

傅廷佩遼東人監生嘉靖二十五年以衛經歷陞任政尚寬平
施有條理

虞鯉山東朝城人監生

楊永錫山東安東衛人舉人嘉靖二十九年任佃儻不羣邑之
巨奸大猾重置之法豪強帖服後陞鞏昌府通判

吳之翰湖廣蘄州人舉人敏才灼識摘奸發伏加意學校隆崇
廟祀垣宇門堞多所葺脩後陞綿州知州

楊津雲南昆明人舉人以教諭陞任清苦自持矜恤民瘼至今
猶稱清楊焉

劉芳河南杞縣人舉人取京別用

盧守直隸長垣人監生任未幾改真陽知縣

崔士備山東武定州人舉人隆慶二年任謙冲自牧下車初卽
以利病訪諸紳士得其可者施行之嘗慨然以均地糧爲已
任事將竣值丁艱去

李遷北直武強人監生隆慶四年任廉明有威胥役至狡者咸
奉公守法尤飭躬勵行人不敢干以私方諸宋之李沐

雷振化河南沈邱人監生

程業儒四川人監生萬歷元年以教諭陞

郭濂山西襄陵人舉人清苦儉約下車卽革吏弊

秦渠字子澤山東臨清州人恩貢萬歷八年任葺城垣四門及
縣署頗有著績又脩邑誌

李先四川蓬州人舉人萬歷十年任

方本清字子任河南南陽中護衛人恩貢性慈有才識改建學宮補置粗豆脩司院葺城樓濬水渠十餘所

梁楨山西平遙人恩貢原任直隸趙州判官萬歷十四年以薦陞任

賈一鶚順天霸州人庚辰進士原任山西猗氏縣萬歷十五年復除今任十六年陞刑部貴州司主事

張啟蒙山西猗氏縣人舉人萬歷十七年任歷二載以病致仕

周充河南河南府人恩貢萬歷二十年任歷六載以錢糧考成去

許百朋河南登封人舉人萬歷二十六年任歷四載陞河州知州

王三才河南陽武人歲貢萬歷三十年任除蠹役課士子歷任四載以病歸

謝三詔河南偃師人舉人萬歷三十四年任興水利弭盜賊百姓樂業歷五載調整厓縣

侯加纓山西解州人恩貢萬歷四十年任秉性端嚴廣敷文教歷任四載考滿回籍

陸敏學山西大同人癸卯解元萬歷四十四年任課農訓士文風丕變邑人有召父杜母之稱歷任三載以時艱解綬歸

王璉山西汾陽人恩貢萬歷四十七年任操守廉潔歷任三載以錢糧考成回籍

謝東魯河南衛輝府人歲貢天啟二年任歷任五載以考成致仕

宋珂湖廣人歲貢崇禎元年任以病告歸

唐萬齡南直淮安府人選貢崇禎三年任勸農禮士政尚嚴明
歷任四載陞寧州知州

孔宏燮雲南籍曲阜人歲貢崇禎七年任歷任四載行取赴都
以錢糧分數不足復還任

高知河南登封人由保舉崇禎十二年任時值兵荒賑救防禦
邑賴以全始建衙署倉庫於雙槐堡紀在豎碑

右明知縣

鄧俊成化十六年任值縣治新設佐理甚多

王全

閻金

雷宇

陳寵

孫洪

趙紳

王鉞

韓弼山西代州人

游自言四川威遠人明敏有爲

殷章

于時高山東冠縣人有才幹

劉華

王世臣

冷采四川仁壽人

郭朝廷安保安人

田耕

畢淮北直獻縣人

李天祥湖廣漢陽人

邵良士河南沁州人

潘封江南建平人

王承業北直薊州人

朱家禮湖廣黃岡人

鳳世臣江南涇縣人

董三重山東濟陽人崇禎中任

陳士章江南六安人崇禎中任

郭東周山東昌邑人崇禎中任

吳正已山西臨汾人崇禎十三年任

右明典史

鄧茂成化十六年任

程良杰四川舉人成化二十年任

楊時俊四川人宏治三年任

康平直隸人

王紳直隸獲鹿人

高昇河南臨潁人陞山海衛教授

蔣棧四川墊江人嘉靖十五年任

左贊四川大邑人監生

王紳山西平順人監生

陳宗禮南陽衛監生嘉靖二十年任綽有治才陞王府教授

盛宗伋河南孟津人監生

馬崑山西夏縣人監生克敦師道陞晉府教授

趙立山西代州人監生

岳鍾英湖廣江陵人舉人課士勤迪陞興平知縣

俞時中湖廣蘄州人舉人訓士克勤陞岐山知縣

馬同軌四川南部人監生沉厚博雅陞松蕃衛教授

賈玠山西徐溝人監生萬歷三年任

高彥臣山西繁峙人監生陞應州學正

張大譽漢中洋縣人監生

晉子脩漢中寧羌州人萬歷八年任

閻相河南洛陽人歲貢萬歷十一年任致仕

郭復禮河南南召人歲貢萬歷十三年任

高寰英雲南鶴慶人舉人

馬升龍鞏昌人歲貢

游廣成化十四年任

辛思顏四川寶城人成化十六年任

朱幾四川樂至人

彭順四川合江人宏治元年任

張瀚海河南睢州人

張鳳四川廣安州人監生

郭岐山西高平人

袁吉河南舞陽人監生

周棐四川大竹人監生陞蜀府引禮

吳賢四川人

周制山西絳州人嘉靖十五年任

夏儒四川墊江人教士端方陞零陵教諭

楊世豪山西五臺人陞山丹衛教諭

王翰四川德陽人訓士有方陞韓城教諭

楊本四川安岳人致仕

馬榮四川瀘州人能詩陞鳳翔教諭

王九經山西洪洞人監生

郭聘四川內江人課士亦勤陞蘄水教諭

楊守正河南陝州人致仕

王達四川青神人萬歷三年任陞名山教諭

蘭室四川閬中人監生致仕

馬思中河南浙川人監生萬歷八年任

孫世奇四川新都人歲貢

顏問邦北直魏縣人歲貢

范友韓甘肅人歲貢

吳守敬平涼人歲貢

右明訓導

國朝知縣教諭訓導

王儒字含三山東濰縣人歲貢順治二年任才堪濟變撫馭多方請復脩雙槐堡公署倉庫以為城守犄角之勢歷任八載

陞冀州知州邑人為建生祠豎遺愛碑焉

方自策滿州人拔貢順治九年任歷任二載以被論去

李開先字仲展北直任邱人拔貢順治十二年任催科有法正賦外毫不苛擾歷任五載以丁內艱回籍

韓允嘉字媯石山東淄川人進士順治十八年任撫字有方政事醇雅因丁外艱回籍

事醇雅因丁外艱回籍

李宏名號潛菴浙江仁和人壬午舉人癸未會副康熙元年任
居心仁慈爲政寬和澹泊自守歷七載以錢糧考成左遷松
江府倅

林逢泰號彙菴福建晉江人丙子舉人癸未會副康熙八年任
才識精敏立政嚴明甫下車釐弊剔奸百廢聿舉倡之公堂
築城垣成樓脩文廟泮池拓武場同亭改邑厲壇於西移養
濟院於南登西溪河便橋葺雙槐堡倉廨禁遠賣以全子女
疏鹽法以便商民重脩邑誌若干卷

李亮德正黃旗人貢生康熙五十一年任

董天良貴州平越府人康熙辛卯科舉人雍正五年丁憂去

張中行山西虞鄉人雍正甲辰舉人乾隆元年以丁憂去

王瑄四川華陽人拔貢乾隆二年任

柳大任山東登州府招遠人乾隆丙辰舉人乾隆十年任

張培坤江蘇上海人監生候補縣丞乾隆十四年委署

丁復瀛河南永城人乾隆己未科進士乾隆十五年卒官

丁奇武奉天錦縣人雍正甲辰舉人乾隆十五年任

伍廷弼福建將樂人雍正丙午舉人乾隆十六年任

成懷祖直隸大名入拔貢就候補州判職十八年委署

陳所修四川筠連人拔貢由教諭俸滿保題乾隆十八年任

濮陽樓安徽廣德州人乾隆乙丑進士十九年任被議去

王道任雲南建水州人雍正乙卯舉人乾隆二十三年委署

劉均現順天府通州人乾隆戊午舉人二十五年任被劾去

何景釗山東荷澤人乾隆壬申舉人二十八年任

朱休承浙江秀水人乾隆癸酉舉人三十一年任

方承保湖北嘉魚人乾隆壬申舉人三十二年任以才優調涇陽陞玉環同知

顏國璟湖南湘潭人乾隆丁卯舉人三十五年委署

蕭坤生四川崇寧人監生候補縣丞三十六年委署

王撫吉江蘓嘉定人乾隆辛酉舉人三十七年委署

陳球浙江烏程人乾隆戊午舉人三十七年任

王天成山西長子人貢生候補縣丞三十八年委署

郭履恒山西興縣人乾隆壬午舉人三十九年任以才優調咸

寧縣陞本州

阿明阿正黃旗人筆帖式乾隆四十三年委署

王垂紀山東諸城人乾隆乙酉舉人四十四年委署敏於聽斷

民情悅服

楊河柱江蘓武進人寄籍順天府宛平縣乾隆癸酉舉人四十四

五年委署爲政誠實時稱有守

王茲敬順天府通州人監生試用府經四十五年代理

朱廷模湖南湘潭人乾隆庚辰舉人四十六年委署

齊球福建侯官人乾隆壬午舉人四十七年九月委署捐修明

倫堂學署土橋

葛德新字心銘山西浮山人監生乾隆四十八年六月任廉明

仁惠革剔陋規比戶晏如釐清社倉積弊人尤德之

右知縣

曹士聘江西吉水人順治二年任

江時亮浙江仁和人順治十三年任

宋嘉印浙江餘姚人康熙三年任卒於官

張易震北直大興人康熙五年任

李宏寬福建仙遊人康熙十三年任卒於官

張繼華江南徐州人康熙十四年任

周煥直隸獲鹿人吏員康熙五十年陞任引病歸

蔡鄞浙江蕭山人吏員雍正十三年任

羅明家四川江津人吏員乾隆十六年任

喻守敬吉林烏拉正黃旗人乾隆二十二年任

饒民義貴州南籠府人優生乾隆三十年署

喻晉江西南昌人監生吏目借補乾隆三十一年任勤於督捕

士民德

李檜湖北江陵人廩貢生乾隆四十八年委署

喬元震山西浮山人監生乾隆四十九年十二月任

右典史

封璋延安府宜君人歲貢順治二年任

王良棟鞏昌府階州人恩貢順治七年任嚴正課士陞鳳翔遼

學教授

石玳鳳翔人歲貢順治十年任

蔣士俊漢中府南鄭人歲貢順治十五年任

張鑑鞏昌府通渭人歲貢順治十六年任

周士貴甘肅秦州人歲貢康熙五十五年任卒官

楊起夔甘肅蘭州人拔貢康熙五十七年任

朱枝莊甘肅崇信人拔貢康熙五十八年任

侯屏甘肅中衛人康熙辛卯科舉人雍正七年任

強遜志鳳翔府寶雞人拔貢雍正十三年任

雷衍疇同州府蒲城人雍正巳酉舉人乾隆六年任

金如玉甘肅環縣人雍正壬子舉人乾隆十四年任

史文燦甘肅涇州人歲貢乾隆二十五年委署

喬敦溥西安府富平人乾隆壬申舉人二十七年任

余珩甘肅岷州人拔貢乾隆三十四年任俸滿以堪膺民社題

陞將樂知縣

楊著蕃同州府韓城人乾隆庚辰舉人四十年委署

薛繩烈同州府韓城人歲貢乾隆四十一年任

劉瑒西安府三原人歲貢乾隆四十二年任

汪酉乾甘肅伏羌人乾隆辛卯舉人四十八年任

右教諭

熊琦山西大同人歲貢順治三年任陞甘泉教諭

馬之選延安府葭州人歲貢順治五年任陞鎮原教諭

宋善士漢中府南鄭人歲貢順治八年任陞長武教諭

張垓漢中府褒城人歲貢順治十年任卒官

高詠延安府米脂人歲貢順治十四年任陞清水教諭

王建極鞏昌府秦州人歲貢順治十五年任奉文裁缺回籍補

臨潼訓導

張樂泮鞏昌府漳縣人歲貢康熙四年任卒官

王嘉賓鳳翔府岐山人歲貢康熙五年任卒官

王探延安府延川人歲貢康熙十年任

牛交斗延安府葭州人歲貢康熙五十五年任

盧運治商州商南人歲貢雍正七年任

張綬慶陽府安化人歲貢雍正九年任

王奇遇甘肅清水人歲貢乾隆九年任

師星樞甘肅寧州人歲貢乾隆十二年任

田大業鳳翔府扶風人歲貢乾隆十五年任

史文燦甘肅涇州人歲貢乾隆二十六年委署

周子蘭甘肅武威人歲貢乾隆二十八年任

萬化同州府蒲城人乾隆丙子舉人三十二年任

陳重德興安府紫陽人歲貢乾隆三十九年任

王學洙西安府盩厔人歲貢乾隆四十一年任

右訓導

